

quam effectum qui est ordinatio, separasse ab causa quam constituant litterae dimissoriae.

3. Negari non potest, Tridentinum decretum hanc benignorem pati interpretationem; illudque de cetero, cum poenam statuat, esse odiosum. At in odiosis quod minimum esse sequendum iuris regulae docent.

4. Demum vera probabilitas sententiae quam defendimus, tum ob vim intrinsecam, tum etiam ob extrinsecam doctorum auctoritatem, quamvis alia sit minor, negari non potest. At vera probabilitas ab censura incurrenda eximit.

5. Argumenta vero quae in contrarium adducuntur solvi posse, si dicamus, ab contrariae sententiae defensoribus affirmari quidem, sed non probari, Concilii Tridentini patres disiunctive locutos esse. Quod autem dicunt, concessionem dimissoriarum esse in se actum perfectum et consummatum supponere videtur quod in quaestione versatur; supponit enim Tridentinos Patres disiunctive locutos esse: quaestio autem est: an Tridentini Patres disiunctive vel copulative locuti sint.

Evidem Garcia afferit resolutionem Sacrae Congregationis Concilii. Observamus autem illam a nobis reperiri non potuisse penes alium auctorem quemlibet ex iis quos evolvimus; aliquos eam citare in fide Garciae; non unam citari ab auctoribus S. Concilii de-

clarationem quae numquam lata reperitur; ideoque, ut sincere loquamur, niti illi declarationi veremur, donec eius authenticitas probata non fuerit.

Exinde monere lectores praeterrmittimus, quod quamvis Capitulum concedens litteras dimissorias interdicto subiaceret, et alii suspensioni, tamen nullam poenam incurreret Clericus qui illis epistolis usus non fuerit; in decreto enim poena infertur in ordinatos; *et sic ordinati.* Et satis.

CAPUT VII.

Suspensione afficiuntur promoti per saltum.

Eiusmodi decretum ita legimus *Sess. XIII, Cap. XIV de Reform.* in fine. « Cum promotis per saltum, si non ministraverint, Episcopus ex legitima causa possit dispensare. »

Porro inter Commentatores quaestio agitatur an eiusmodi suspensio vigeat post Constitutionem *Apostolicae Sedis.*

Totus autem quaestionis cardo in eo vertitur; an suspensio haec directe a Tridentinis Patribus illata fuerit, vel tantum indirecte. Dictum est autem pag. 220 seqq., quod Pius Papa IX dum adhuc vigeat suspensiones a Tridentino Concilio latae, eas intelligendas esse quas directe et de novo statuit, non autem illas quas confir-

mavit a veteribus canonibus latas sive per generalia verba, sive per speciales allegationes; demonstravimus enim cl. Avanzini doctrinam sequentes, has postremas dici non posse censuras a Concilio Tridentino latae. Suspensio igitur haec lata contra promotos per saltum censenda ne est a Patribus Tridentinis directe lata, vel tantum indirecte, antiquorum scilicet canonum sanctiones innovando?

Et quidem clarissimi Frat. Piatetus *Commentarius in Const. Apostolicae Sedis* pag. 320 [3], et *Commentator Patavinus* pag. 335 hanc suspensionem, ut censura est, non amplius vigere dicunt post Pianam Constitutionem, eo quod de novo et directe a Tridentinis Patribus inficta non fuerit; quamvis arbitrentur uti poenam et prohibitionem adhuc vigeare, cum de hisce Piana constitutio sollicita non sit.

E contra Avanzini *Editio tertia Manualis* pag. 110 affirmat hanc suspensionem adhuc in suo vigore permanere, atque ad rei claritatem eius exscribimus verba.

« Quum haec suspensionis censura non solum sit a Tridentina Synodo indirecte innovata, sed potius declarata, facta quoque Episcopis facultate eam absolvendi, in suo vigore permanet, iuxta ea quae scripsi in appendice III, pag. 48 et seqq. »

Eum autem sequitur cl. D'Annibale in *Summula Part. III,*

pag. 124, Not. 16. scribens: « Non item per saltum ordinatus, » quia haec poena veteri iure introducta (C. 1, Dist. 52, C. un. » De Cler. per salt.) a Tridentino » (XXIII, T. 14) probata dumtaxat » fuit. » Atque ad haec intelligenda lectores remittit ad Prolegomena § 388, 2.

At Avanzini in *alleg. pag. 48 et seqq.* nil aliud scripsérat nisi quod post Constitut. *Apostolicae Sedis* non amplius vigeant censurae a Concilio Tridentino sive per generalia verba, sive per speciales allegationes innovatae.

Cl. autem D'Annibale idipsum scribit *loc. cit.*: « Non eas scilicet, » quas Tridentinum confirmavit ex iure antiquo; nec quas innovavit, nisi forte cum antea essent fermentae sententiae, eas fecit latae sententiae; sed quas ipsum Concilium invexit, sanxit. Et neque has omnes, sed 1. exceptis his censuris quae mutatis temporibus obsoleverunt, ut XXV, Ref. Reg. 4. et 2. his locis exceptis ubi Tridentinum receptum non fuit. »

Ita ut scriptor uterque affirmare videatur hanc suspensionem contra ordinatos per saltum ideo etiamnum vim habere, eo quod Tridentini Patres nedium ipsam indirecte innovaverint, sed etiam declaraverint (ita enim obscuram loquendrationem ab Avanzino adhibitam intelligendam esse arbitramur) imo, iuxta praestantissimum d'Annibale, probaverint, atque ideo veluti de

novo lata a Tridentino Concilio putanda sit.

At nescimus utrum eiusmodi rationes rem confiant. Primum enim certum est, Tridentinos Patres ad veterum canonum sententiam decretum tulisse, quod adeo evidens est, ut praetermissa particularium canonum allegatione, veluti si illos notissimos putarent, suspensionem in iis latam iterum statuant decernantque. Qui autem ita agunt, quid aliud agunt nisi per generalia verba poenas a iure infictas ipso facto renovare?

Sed hanc suspensionem a Tridentinis Patribus *probata* fuit, scribit cl. d'Annibale. Utique. Sed censuras, quae in antiquis canonibus inflictæ, intactas conserverunt, nonne probarunt? Nonne ut immotae consistent voluere? Quare igitur viri sapientissimi scripserunt, post Constitutionem *Apostolicae Sedis* unas vigere censuras quas Tridentini directe tulerunt, non alias, quas innovarunt ex veteribus canonibus sive per generalia verba, sive per allegations speciales?

2. Non intelligitur quid Tridentini Patres declaraverint; etenim et in Can. *Sollicitudo*, *Dist. 52*, et in Cap. *unic.* *De Clerico ordinato per saltum*, sermonem esse de suspensione, et non irregularitate ex doctissimorum Canonistarum sententia, et ipsorum Canonum lectione probare admodum difficile non erit.

Porro Canon *Sollicitudo* ab Ale-

xandro II R. Pontifice conditus ita legitur: « *Sollicitudo dilectionis tuae* statuit consulere, utrum portator istarum litterarum, Diaconatus et Presbyteratus officium idoneus sit peragere, nec ne; quum ad id praepostero cursu, subdiaconatus ordine postposito, negligentia potius, quam superbia cognoscatur ascendisse. Unde nos consulendo caritati tuae mandamus, ut ab officio Sacerdotali eum prohibeas, donec proximo quatuor temporum ieunio subdiaconatus ministerium sibi rite imponas, et sic deinceps ad maiora officia eum redire concedas. »

Aliud vero Caput ab Innocentio III latum ita legimus. « *Tuae litterae* continebant, quod (sicut ex relatione quorumdam received) P. Presbyter, Diaconatus ordine praetermisso, se fecit ad Sacerdotii ordinem promoveri. Ipse tibi quoque secreto confessus est, se pro certo nescire si res taliter se haberet, sed ex quo boni viri hoc asserebant, inter quos fuerat conversatus, credebat assertioni eorum, eo quod tempore quo ordines inferiores suscepserat intra annos discretiōnis fuerat constitutus. Tu igitur ipsum ad Apostolicam Sedem transmittens, nobis supplicasti humiliter ut cum eo misericorditer agere dignaremur. Nos igitur eius miseriae condolentes fraternali tuae per Apostolicam

» Sedem mandamus, quatenus condignam poenitentiam pro huiusmodi negligentia iniungas eidem; qua peracta (quod non intelligitur iteratum quod factum esse nescitur) ipsum in Diaconum ordinare procures, et sic de misericordia eumdem ministrare permitas in ordine Sacerdotis. »

In his vero canonibus Avanzinio videtur agi de irregularitate, hanc autem poenam a Tridentinis Patribus non probatam, pro eaque suspensionem inductam. « Ex quibus mihi appareat, sententiam veteri iuri magis conformem, eam esse, quae docet, ordinatum per saltum esse irregularē; sed post Tridentinum Decretum, ob verba si non ministraverint... Episcopus possit dispensare, declaratum satis videtur, ordinatum per saltum non esse irregularē, sed esse ipso facto suspensum, ita ut si ministraverit, irregularis evadat, proindeque indigeat apostolica dispensatione. »

Quae si vera essent, ex poenae commutatione arguere possemus, Tridentinos Patres veluti de novo hanc legem tulisse vel instaurasse, ideoque uti directam considerari posse. Attamen non admodum certa esse quae scribit Avanzini primum ex ipsis verbis deducitur; apparet enim scribit, non explorata res est. 2. Quod vero ipsi apparet, non apparuit neque Reiffenstuel, qui *Ius Can. lib. V Decret.*, *Tit. XXIX, n. 5* scribit: Ob so-

» lam susceptionem Ordinis per saltum irregularis non evadit, si ab exercitio talis ordinis abstinet... Ratio est quia haec irregularitas in iure nullibi expressa reperitur; consequenter non contrahitur. » At in iure expressa reperiretur, si in citatis Canonibus de irregularitate sermo esset.

Neque apparuit cl. Schmalzgruber qui *Part. III Tit. XXIX n. 4.* quaerit: An sic promotus incurrit irregularitatem? Resp. « Non incurrit nisi ministrando temere in ordine sic suscepto, quia hoc nullo iure expressum est; imo ex *Cap. un. cit.* et ex *Cap. XIV cit.* (Conc. Trid.) satis clare intelligitur non incurrire, dum episcopus permittitur dispensare cum sic promotis, si non ministraverint, non alia certe ex causa, quam quod casu, quo non ministrarunt, irregularitatem nullam incurrant. » Sapientissimo igitur Canonistae videtur et in *cit. Cap. unic. de Clerico ordin. per salt.* agi de suspensione; et non de irregularitate.

Idipsum autem visum fuit Thesauro *De poenis*, *Part. 2 Cap. XIII*, *Voc. Ordo* quo scribit: « Media sententia est magis communis, promotum per saltum non esse ex hoc irregularē, sed esse ipso iure suspensum ab exercitio ordinis sic male suscepti tantum; nec posse ulterius promoveri, nisi cum eo dispensemur; ex cap. un. *Tuae litterae, de Cler. per*

» salt. promot. Atque plurimis ci-
» tatis doctoribus concludit : et
» ita servat stylus Ecclesiae Ro-
» manae. » Ita ut et Thesauro vi-
sum fuerit in cit. Cap. agi de sus-
pensione, et non de irregularitate.

Cum autem ita res se habeat; quid Tridentini Patres egisse di-
cendi sunt, nisi illum canonem re-
novare, et latam in eo suspensio-
nem confirmare? Novam itaque le-
gem non considerunt, sed anti-
quam confirmarunt: at censurae in
Tridentino confirmatae sive per ge-
neralia verba, sive per speciales al-
legationes in Constitutione *Aposto-
licae Sedis* non comprehenduntur.
Ergo suspensio haec lata in Cleri-
cos per saltum promotos vigere
dicenda non est.

Sed esto: Tridentini Patres Ca-
nones illos declaraverint. Num ne
exinde falsum erit eos renovasse
antiquos canones, vel dicendi sunt
novam legem poenamque statuisse?
Nequaquam. Si enim declararunt
canones illos, nil aliud effecerunt
quam edicere illis in Canonibus
agi de suspensione et non de irre-
gularitate. Canones enim ut erant
dimiserunt; qui enim legem de-
clarat non novam legem condit,
sed veterem lucidiori verborum
ordine exponit. Tridentinos Patres
autem veteres Canones intactos di-
misise, ex eo quoque patet quod
suspensionem in illis contentam re-
novarint, Canonum supposita cogni-
tione; eos enim nec citant. At
eiusmodi agendi ratio manifeste

innuit, legumlatores nixos absolute
fuisse veteri sanctioni, neque quid
novum statuere voluisse.

Neque contraria stat sententia,
quod Patres Tridentini Episcopis
facultatem fecerint eiusmodi sus-
pensionem absolvendi. Id enim de-
monstrat quidem Tridentinos Pa-
tres extendisse hanc potestatem,
sed minime demonstrat relate ad
substantiam voluisse novam legem
condere. Etenim per eiusmodi ex-
tensionem hoc dixerunt: concedimus
Episcopis facultatem dispensandi
ab suspensione quam antiquiores
canones tulere contra promotos
per saltum; At hoc est legem in
antiquis canonibus contentam pro-
ponere; eiusmodi autem leges post
Constit. *Apostolicae Sedis* non vi-
gere ipse Avanzini fatetur.

Ex iis vero sequens argumen-
tum exurget. Non negabunt adver-
sarii, sententiam quam propugna-
mus, gravi fundamento niti tum
intrinseco rationis, tum extrinseco
auctoritatis; atque tanti faciendam
esse quanti contrariam, ni etiam
maioris. Habemus ergo dubium spe-
culativum positivum quod afficit
ipsam legis existentiam, seu reddit
dubiam ipsam legem; at lex dubia
non obligat; quo igitur fundamento
vim huius legis post Constitutio-
nem *Apostolicae Sedis* statuemus?

Concludimus igitur, eiusmodi sus-
pensionem, quatenus censura est,
vim non habere post Pianam Con-
stitutionem; at vim suam servare
quatenus poena est et prohibitio;

ideoque Tridentinum Caput bre-
viter exponimus.

Porro Ordinatio per saltum est
ascensio ad superiores ordines praeter-
missio inferiori; ut si quis non
suscepto subdiaconatu ad diaconatū
promoveatur, vel ordine Diaconi-
natus praetermisso, ad Sacerdotium.
Nihil autem interest si praetermis-
sus fuerit ordo maior vel minor,
quandoquidem legis verba verita-
tem sortiuntur tam in maioribus
quam in minoribus ordinibus; et
enim et hi ordinatim suscipiendi
sunt, et in his etiam ministratur.

Quaestio esse posset circa pri-
mam clericalem tonsuram, quae
ordo non est, ideoque non vide-
rentur ordinati per saltum, qui
ordines minores reciperent, ea
nondum recepta. Attamen affirmati-
tivam sententiam tenendam esse
Canonistae docent, quos inter ci-
tamus Schmalzgrueber qui loc. cit.
nn. 10, 11 scribit: « Sed etsi (pri-
ma clericalis tonsura) ordo non
sit, est tamen primus gradus, et

(1) Penes Giraldi *Expositio Iuris Pontif.* Part. I. Sect. 869. Nota II.
habetur testimonium ipsius Gallemart quod exscribimus: « Ex declaratione Congre-
gationis Concilii relata a Gallemart ad cit. cap. XIV. Sess. XXIII. Tridentini
huiusmodi facultatem tributam Episcopis intelligendam esse, de promotis per
saltum, immo vero etiam de promotis ad maiores ordines, omissis minoribus sive
uno tantum; et etiam casu, quo aliqui omiserint primam Tonsuram: Congregatio
enim censuit anno 1588 habere locum decretum Concilii in omnibus casibus po-
sitis. »

(2) Ita Schmalzgrueber loc. cit. n. 7. « Triplex tamen huius suspensionis ef-
fectus est. Nam 1º inducit impedimentum respectu ordinis, ad quem per saltum
promotus, omisso ordine inferiore, ascendit; 2º impedit, ne ascendere possit ad
superiores ordines; 3º speciale impedimentum inducit respectu ordinis praeter-
missi, ne suscipere illum sine dispensatione possit; nam hoc etiam iura adducta
probant. »

» quasi fundamentum ordinum, ad
» quos disponit, et capaces fideles
» efficit. Quare dicendum est a sic
» ordinato suspensionem incurri,
» ut exequi officium ordinum sic
» susceptorum nequeat, donec pri-
» mam tonsuram recipiat... et de-
» claratum est a S. Congregatione
» Concilii teste Gallemart ad Tri-
» dent. Cap. 14. » Quod idem
scribit Reiffenstuel loc. cit. n. 6 (1).

Ex relatibus autem Canonibus satis
constare arbitramur, quod promotus
per saltum ita suspensionis poena
afficeretur, ut 1. prohiberetur in
ordine per saltum suscepto mini-
strare; 2. ordinem praetermissum
suscipere; 3. et ad superiorem or-
dinem ascendere ante consecutam
dispensationem (2). Hinc audiendi
illi non sunt qui aliquando puta-
runt, ordinatum per saltum sus-
pensum manere ab omnibus etiam
illis ordinibus quos rite suscepserat,
quos videant lectores apud Schmalz-
grueber loc. cit. num. 6., etenim
latae in re leges sunt poenales,

ideoque stricte interpretandae; ex iis autem nullo pacto dignoscitur quod haec suspensio sit etiam ad ordines rite susceptos extendenda. De cetero et ipsius Schmalzgrueber, loc. cit., et Reiffenstuel, loc. cit. n. 4, et aliorum praestantissimorum doctorum, paucis contradicentibus, haec est sententia.

Hac tamen poena etiamnum promoti per saltum afficiuntur; ita ut inter antiquum et novum ius nulla alia sit differentia quam quod nunc ordinati per saltum suspensione non afficiantur quatenus est censura, percellantur tamen omnibus effectibus verae suspensioni connexis, quos supra recensuimus. Etenim quatenus poena est, intacta manet, cum poenas, nullitates actorum etc. Pius Papa IX intactas dimiserit, atque de unis censuris in sua Constitutione sollicitus fuerit, ut non semel in hisce commentariis observavimus.

In eiusmodi vero poena ordinatus per saltum manebit donec ab Episcopo dispensatus non fuerit.

At cum cl. Schmalzgrueber loc. cit. n. 15 advertendum est, quod Episcopus non potest dispensare cum promoto per saltum neque ut ascendat ad superiores ordines antequam inferiorem praetermissum recipiat, quia id repugnat primae ordinum institutioni, ideoque ipsi iuri divino; neque ut ante susceptum ordinem praetermissum possit ministrare in ordine per saltum suscepto, quia hoc est

per se malum, et prohibitum quasi ex natura rei, supposita institutione talium ordinum. Qua de causa Episcopi dispensatio ad hoc unum tendit, ut promotus per saltum recipere possit ordinem praetermissum, in illo ministret, et deinde gradatim ascendat ad ordines superiores, si quos alios suscipere debet.

Id tamen ni promotus per saltum in ordine suscepto per saltum ministraverit, vel in ordine praetermisso, ut ex. gr. si quis post subdiaconatum recepisset Presbyteratus ordinem, et ministraverit in ordine Diaconatus, quem praetermisit; lex enim aperta est: *Cum promotis per saltum, si non ministraverint, Episcopus ex legitima causa possit dispensare.* Nequam igitur si ministraverint. Si enim ministraverint pro dispensatione ad S. Sedem recurrentum est.

Et quidem in antiquo iure cum promoti per saltum suspensionem ipso facto incurrent, si ministrasset in ordine male suscepto vel praetermisso, illico irregulares fierint ob violationem censurae. Qua poena post Pianam Constitutionem, ut ex disputatis patet, non tenentur.

Attamen in Capitibus allegatis vidimus, quod Episcopis facta sit facultas dispensandi cum promotis per saltum ignorantiae vel negligentiae cuiusdam causa. Quaerimus igitur an Episcopi dispensare pos-

sint etiam cum scienter promotis per saltum; ni tamen ministraverunt?

Quamvis Fagnanus putaverit hos ab Episcopis dispensari non posse, tamen vera sententia illa est quae docet, potestatem hanc dispensandi post Tridentinum Concilium competere Episcopis sive ignorantie sive scienter quis per saltum promotus fuerit, dummodo in ordine illegitime suscepto, vel praetermisso non ministraverit. Etenim Tridentini Patres non distinxerunt utrum scienter et ex ambitione et malitia ductus, vel ignorantia et negligentia quis per saltum ordinatus fuerit, sed simpliciter affirmarunt cum ita promotis, si non ministraverint, Episcopum ex legitima causa dispensare posse. Inde sequitur, quod haec eadem potestas Episcopo competit, quamvis delictum publicum fuerit, cum Tridentinum Concilium dispensationem ad delictum occultum non limitaverit.

CAPUT VIII.

Suspensione plectuntur Parochi aliqui Sacerdotes sive saeculares sive regulares qui matrimonio iungant alienae Paroeciae sponsos sine proprii Parochi licentia.

Tridentini Patres Sess. XXIV, Cap. 1 de Reform. matrimonii e-

(1) Porro Cap. *Licet Canon* haec habet: « §. Is etiam qui ad eiusmodi regimen assumetur, ut gregis sibi crediti diligentius curam gerere possit, in Parochiali Ec-

iusmodi suspensionem his verbis tulere: « Quod si quis Parochus, vel alias Sacerdos sive regularis sive saecularis sit, etiamsi id sibi ex privilegio vel immemorabili consuetudine licere contendat, alterius Paroeciae sponsos sine illorum Parochi licentia matrimonio coniungere aut benedice re ausus fuerit, ipso iure tamdiu suspensus maneat, quamdiu ab Ordinario eius Parochi, qui matrimonio interesse debebat, seu a quo benedictio suscipienda erat, absolvatur. » Inquiramus quinam hanc suspensionem incurant, quodnam ob factum, et quamdiu ea perduret.

Atqui quantum ad 4^m. attinet, eam incurront Parochi, ii scilicet qui ab Episcopo Paroeciae regendae et gubernandae praepositi sunt. Hi autem tales esse possunt quamvis nondum Sacerdotali charactere insigniti fuerint; ut patet ex c. *Licet Canon*, et c. *Statutum de elect.* in 6.^o (1) qua de causa in re, una est attendenda verbi proprietas in sua stricta significatione, neque consequenter ab suspensione ob admisum vetitum factum esset Parochus eximendus quod Presbyteratus ordinem nondum suscepit. Id enim nulla ratione defendi posset, cum Parochi non Sacerdotes ea quae non dependent a potestate ordinis Sacerdotalis pleno iure exercere possunt; in matrimonio autem ministri